

## ARARAT

Chwythu fu y gwyntoedd  
Erioed dros dir y byw  
O Eden bell yn ddi-baid  
I'r coed yn Nhroed y Rhiw  
I sgrechian yn y brigau  
I gorddi dwr y don  
Fe chwythodd ni drwy amser  
At greigiau'r ynys hon.

Fe welwyd ni yn dawnsio  
Ar fyrddau'r llongau hud  
Fe glywid ni yn canu  
A'n cefnau at y byd  
Ac ar o1 y llong ddrylliad  
Wrth guro'r creigiau maeth  
Glynwn wrth y sbwriel  
A olchwyd ar y traeth.

Mae'r gwynt yn chwythu storom  
I dynnu'r coed o'r tir  
Fe wel y dail yn casglu  
Yn bentwr wrth y mur  
Ac yn y dail mae pluen wen  
O aden y golomen  
Fu'n hedfan yn ddigartre  
I Ararat o Eden.

Ar goll yn y tywyllwch  
Ar goll yng nghell ein byd  
Yn disgwyl am y glanio  
Ar Ararat o hyd.